

**სახელმწიფო შესყიდვის შესახებ
ხელშეკრულება №199**

ქ. ბათუმი

17 ივლისი, 2018 წელი

ერთი მხრივ საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტი (შემდგომში „შემსყიდველი“), წარმოდგენილი ადმინისტრაციის ხელმძღვანელის ჯემალ ანანიძის სახით და მეორე მხრივ შპს „ბედეგი“ (შემდგომში „მიმწოდებელი“), წარმოდგენილი დირექტორის ბესიკ ბედოიძის სახით, „სახელმწიფო შესყიდვების შესახებ“ საქართველოს კანონის და მიმწოდებლის სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება №NAT180008433) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე (CPV: 45300000):

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1. „ხელშეკრულება სახელმწიფო შესყიდვის შესახებ“ (შემდგომ „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ, ასევე, ხელშეკრულების ერთი მხარის მიერ გაგზავნილი წერილობითი შეტყობინება, რომელიც ცვლის მხარეთა შორის ადრე შეთანხმებულ და წერილობითი სახით ხელმოწერილი დოკუმენტის პირობებს და რომელზეც წერილობითი თანხმობა აქვს გამოთქმული ხელშეკრულების მეორე მხარეს.

1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის;

1.3. „შემსყიდველი“ - ორგანიზაცია, რომელიც ახორციელებს შესყიდვას;


1.4. „მიმწოდებელი“ - პირი რომელიც ახორციელებს სამუშაოს მოცემული ხელშეკრულების ფარგლებში;

1.5. „დღე“. „კვირა“, „თვე“ - კალენდარული დღე, კვირა, თვე;

1.6. „სამუშაო“- ხელშეკრულების მე-2 მუხლით გათვალისწინებული შესყიდვის ობიექტი;

1.7. „შესასრულებელი სამუშაოების ხარჯთაღრიცხვა“ - მიმწოდებლის მიერ ელექტრონული ტენდერის ფარგლებში წარმოდგენილი „შესასრულებელი სამუშაოების ხარჯთაღრიცხვა“ რომელიც თან ერთვის ხელშეკრულებას და წარმოადგენს მის განუყოფელ ნაწილს;

1.8. ინფორმაცია საგარანტიო ვადების შესახებ - სატენდერო დოკუმენტაციაში მითითებული მინიმალური საგარანტიო ვადების შესაბამისად მიმწოდებლის მიერ შევსებული საგარანტიო ვადები, რომელიც წარმოადგენს ხელშეკრულების შემადგენელ ნაწილს.



2. ხელშეკრულების (შესყიდვის) ობიექტი

2.1. ხელშეკრულების (შესყიდვის) ობიექტია ბსუ-ს ფიტოპათოლოგიისა და ბიომრავალფეროვნების ინსტიტუტის ტერიტორიის კეთილმოწყობა.

2.2. სამუშაოთა მოცულობები და ფასი მოცემულია დანართში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1. ხელშეკრულების საერთო ღირებულება შეადგენს 104995,33 (ას ოთხი ათას ცხრაას ოთხმოცდათხუთმეტი ლარი და 33 თეთრი) ლარს.

3.2. ხელშეკრულების ღირებულება მოიცავს ხელშეკრულებით გათვალისწინებული სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს.

4. ანგარიშსწორების ფორმა და პირობები

4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით, ეროვნულ ვალუტაში.

4.2. შესრულებული სამუშაოების ღირებულების ანაზღაურება მოხდება ფაქტიურად შესრულებული სამუშაოების მიხედვით, წინამდებარე ხელშეკრულების მე-6 მუხლით გათვალისწინებული წესით მიღება-ჩაბარების აქტის გაფორმებისა და შესაბამისი საგადასახადო დოკუმენტის შემსყიდველისათვის წარმოდგენიდან 10 (ათი) დღის ვადაში, საკუთარი შემოსავლების ფარგლებში.

5. ხელშეკრულების ინსპექტირების (კონტროლის) პირობები

5.1. ხელშეკრულების შესრულების კონტროლს, წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმებას და ხელშეკრულების პირობების შესრულების ზედამხედველობას განახორციელებს ტექნიკური ზედამხედველობის განმახორციელებელი პირი ბსუ-ს მატერიალური რესურსების მართვის დეპარტამენტის მთავარი სპეციალისტი (ბსუ-ს ტექნიკური ზედამხედველი) მერაბ ხალვაში. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს შემსყიდველის სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამისი ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

5.2. ხელშეკრულების შესრულების შემსყიდველის მხრიდან კონტროლის, შესრულებული სამუშაოს წინამდებარე ხელშეკრულების შესაბამისად მიღება-ჩაბარების მიზნით მიღება-ჩაბარების აქტის გაფორმების და ხელშეკრულების ინსპექტირების განხორციელების უფლებამოსილების 5.1. პუნქტის შესაბამისად შესაბამისი ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირზე მინიჭების შემდეგ ასეთი უფლებამოსილების მინიჭებამდე შესრულებული სამუშაოს კონტროლისა და ხელშეკრულების ინსპექტირების



განხორციელების შედეგები და გაფორმებული მიღება-ჩაბარების აქტები ინარჩუნებს იურიდიულ ძალას.

5.3. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულე-ბების შესრულებაზე.

5.4. მიმწოდებელი ვალდებულია საკუთარი ფინანსური და მატერიალურ-ტექნიკური საშუალებებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

6. შესრულებულ სამუშაოთა მიღება-ჩაბარების წესი

6.1. შესრულებული სამუშაოს მიღება წარმოებს მიღება-ჩაბარების აქტის გაფორმებით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლის ხელის მოწერით;

6.2. შესყიდვის ობიექტის მიღება ფორმდება შესაბამისი მიღება-ჩაბარების აქტის გაფორმებით. შესრულებული სამუშაოების მიღება-ჩაბარების აქტის შედგენამდე, მიმწოდებელმა უნდა უზრუნველყოს ტექნიკური ზედამხედველობის განმახორციელებელი პირის მიერ დამოწმებული შესრულებული სამუშაოების აქტის (ფორმა №2) წარმოდგენა, რომლითაც დასტურდება შესრულებული სამუშაოების მოცულობა და ღირებულება

7. სამუშაოების შესრულების ადგილი ვადები და პირობები

7.1. ხელშეკრულებით გათვალისწინებული სამუშაოები უნდა შესრულდეს ხელშეკრულების დადებიდან არაუგვიანეს 2018 წლის 14 სექტემბრისა.

7.2. სამუშაოების შესრულების ადგილია ქ. ქობულეთი, კაიკაციშვილის ქ. №1-4-ის მიმდებარედ, მიწის საკადასტრო კოდი 20.42.11.521.

8. მხარეთა უფლება-მოვალეობანი

8.1. შემსყიდველს უფლება აქვს შეამოწმოს სამუშაოების მიმდინარეობის შესაბამისობა წინამდებარე ხელშეკრულებით გათვალისწინებულ პირობებთან.

8.2. შემსყიდველი ვალდებულია:

8.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული ვადებისა და პირობების შესაბამისად.

8.2.2. უზრუნველყოს შესრულებული სამუშაოების მიღება ამ ხელშეკრულებით დადგენილი პირობების გათვალისწინებით.

8.3. მიმწოდებელს უფლება აქვს მოსთხოვოს შემსყიდველს შესრულებული სამუშაოების ღირებულების ანაზღაურება ხელშეკრულებით გათვალისწინებული ვადებისა და პირობების გათვალისწინებით.

8.4. მიმწოდებელი ვალდებულია:

8.4.1. დაიცვას ხელშეკრულებით გათვალისწინებული ყველა პირობა.

8.4.2. შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში.

8.4.3. გაითვალისწინოს ტექნიკური ზედამხედველის მიერ მითითებული ინსტრუქციები და შენიშვნები.



8.4.4. საკუთარი სახსრებით აღმოფხვრას აღმოჩენილი ხარვეზი.

9. პირგასამტეხლო ხელშეკრულების პირობების შეუსრულებლობისათვის

9.1. მიმწოდებელს 7.1. პუნქტით განსაზღვრული ვალდებულების შეუსრულებლობის შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,02 %-ის ოდენობით.

9.2. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 1 (ერთი) %-ს, შემსყიდველს უფლება აქვს შეწყვიტოს ხელშეკრულება.

9.3. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5 (ხუთი) %-ის ოდენობით.

9.4. მიმწოდებელი ვალდებულია დარიცხული პირგასამტეხლოს თანხა პირგასამტეხლოს დარიცხვის შესახებ შეტყობინების მიღებიდან 15 (თხუთმეტი) დღის ვადაში ჩარიცხოს შეტყობინებაში მითითებულ საბანკო ანგარიშზე და წარუდგინოს შემსყიდველს აღნიშნულის დამადასტურებელი დოკუმენტი (საგადახდო დავალების დედანი ან ბანკის მიერ დამოწმებული ასლი).

9.5. მიმწოდებელს საგარანტიო ვადის განმავლობაში ხელშეკრულების 14.4. პუნქტით განსაზღვრული ვალდებულების შეუსრულებლობის შემთხვევაში დაერიცხება პირგასამტეხლო ყოველ ვადაგადაცილებულ დღეზე 10 (ათი) ლარის ოდენობით.

9.6. პირგასამტეხლოს გამოთვლისას არ გამოიანგარიშება 14.4. პუნქტით გათვალისწინებული ხარვეზის გამოსასწორებლად მიცემული ვადა.

9.7. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულების მოქმედების ვადა, ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულება ძალაშია მხარეთა მიერ მისი ხელმოწერის დღიდან.


10.2. ხელშეკრულება მოქმედებს 2018 წლის 10 დეკემბრამდე.

10.3. ხელშეკრულებით ნაკისრი ვალდებულებების შესრულების მოთხოვნის უფლება ძალაში რჩება ხელშეკრულების მოქმედების ვადის გასვლის შემდეგაც.

10.4. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.5. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება კანონმდებლობით დადგენილი წესით.

10.6. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად შეწყვიტოს ხელშეკრულება, მოქმედი კანონმდებლობით დადგენილი წესითა და პირობებით.



10.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

11.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

11.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11.3. მხარე, რომელსაც შეექმნა ფორს-მაჟორული გარემოება, დაუყოვნებლივ აცნობებს ამის შესახებ მეორე მხარეს.

12. დავები და მათი გადაწყვეტის წესი

მხარეთა შორის წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13. შეტყობინების წესი

13.1. შეტყობინება ხელმოწერილი უნდა იყოს გამგზავნი მხარის მიერ ან მისი სახელით, გაეგზავნოს მხარეს, რომელიც არის მისი ადრესატი და მიეწოდოს ამ მხარეს მისამართზე, რომელიც მითითებულია 13.2 პუნქტში, ან უკანასკნელ მისამართზე, რომელიც მხარემ შეტყობინების მეშვეობით განსაზღვრა შეტყობინებებისთვის წინამდებარე ხელშეკრულების შესაბამისად. მხარისთვის გაგზავნილი ნებისმიერი შეტყობინება უნდა იყოს ქართულ ენაზე ან თან ახლავდეს ქართული თარგმანი.

13.2. შეტყობინების მისამართი და შეტყობინების დრო:

შეტყობინება უნდა გადაეცეს ხელიდან ხელში, გაიგზავნოს ფაქსით ან ფოსტის მეშვეობით, და წინამდებარე ხელშეკრულების და ყველა სხვა მიზნისთვის იგი ჩაითვლება მიწოდებულად (ჩაბარებულად):

(ა) ხელიდან ხელში გადაცემისას: როდესაც ის პირადად მიეწოდება მხარეს ქვემოთ მოცემულ მისამართზე (მათ შორის ელექტრონულ მისამართზე) ან უკანასკნელ მისამართზე, რომელიც მხარემ შეტყობინების მეშვეობით განსაზღვრა შეტყობინებებისთვის წინამდებარე ხელშეკრულების შესაბამისად.

„შემსყიდველი“

მის: ქ. ბათუმი, ნინოშვილის ქუჩა №35

E-Mail: shesvidvebi@bsu.edu.ge


ტელ: (0422) 27 87 62

„მიმწოდებელი“

მის: ქ. რუსთავი, მეგობრობის გამზ. №26

E-Mail: ekarexviashvili73@gmail.com

ტელ: 571 155337



მიმწოდებელი



(ბ) კურიერული ფოსტა: თუ გაიგზავნა ფოსტის მეშვეობით 13.2. პუნქტის „ა“ ქვეპუნქტით განსაზღვრულ მისამართზე, რაც დასტურდება კურიერის მიწოდების დასტურის ჩანაწერებში.

– შეტყობინებები, რომლებიც მიღებულია უქმე დღეს ან სამუშაო დღის 17.00 საათის შემდეგ, ჩაითვლებიან მიღებულად შემდეგ სამუშაო დღეს.

14. სხვა პირობები

14.1. მიმწოდებელი ვალდებულია ხელშეკრულებით გათვალისწინებული სამუშაოები განახორციელოს ხელშეკრულების პირობათა შესაბამისად, აგრეთვე მოქმედი კანონმდებლობით ასეთი სამუშაოებისათვის დადგენილი ნორმებისა და სტანდარტების სრული დაცვით.

14.2. შემსყიდველი იტოვებს უფლებას გაზარდოს ან შეამციროს შესასრულებელი სამუშაოების მოცულობა. ასეთი ცვლილებების თაობაზე მხარეები შეთანხმდებიან დამატებით.

14.3. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

14.4. საგარანტიო ვადის განმავლობაში შემსყიდველის მიერ მიცემულ გონივრულ ვადაში მიმწოდებელი ვალდებულია საკუთარი ხარჯით გამოასწოროს გამოვლენილი ხარვეზი ან სრული მოცულობით აანაზღაუროს როგორც შესაბამისი ხარჯები, ასევე ხარვეზის შედეგად შემსყიდველისათვის მიყენებული ზიანი.

14.5. ხელშეკრულება შედგენილია ქართულ ენაზე, სამ ეგზემპლარად, რომელთაც აქვთ თანაბარი იურიდიული ძალა და ორი ეგზემპლარი ინახება შემსყიდველთან, ხოლო ერთი მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15. მხარეთა რეკვიზიტები

„შემსყიდველი“

სსიპ „ბათუმის შოთა რუსთაველის
სახელმწიფო უნივერსიტეტი“

ს.ნ. 245 428 158

მიმღები ბანკი - სახელმწიფო ხაზინა

მიმღების დასახელება - ხაზინის

ერთიანი ანგარიში

ბ/კ: TRESGE22

„მიმწოდებელი“

შპს „ბედეგი“

ს.ნ. 416337299

ს.ს. „თიბისი ბანკი“


GE38TB7398236050100001

ბ/კ: TBCBGE22

ბსუ-ს ადმინისტრაციის
ხელმძღვანელი

შპს „ბედეგი“-ს
დირექტორი

ბესიკ ბედოიძე



ფასების ცხრილი

ლოკალურ რესურსული ხარჯთაღრიცხვა N1

ს.ს.ი.პ ბათუმის შოთა რუსთაველის სახელმწიფო უნივერსიტეტის ქობულეთის კვლევითი ინსტიტუტის ტერიტორიის შემოღობვა ბეტონის ღობით

N	სამუშაოთა დასახელება	განზომილების ერთეული, რაოდენობა		ერთეულის ფასი	საერთო ფასი
1	არსებული ღობის დემონტაჟი და მიწის სამუშაოები	გრძ/მ	310,00	13,20	4092,00
2	მონოლითური საძირკვლის მოწყობა კლასით B 15	კმ/მ	74,40	187,60	13957,44
3	კედლების ამოშენება	კუბ/მ	158,80	108	17150,40
4	კედლების და სვეტების შებათქაშება დაშხევა	კვ/მ	1237,80	8,95	11078,31
ჯამი 1					46278,15

ლოკალურ რესურსული ხარჯთაღრიცხვა N2


ს.ს.ი.პ ბათუმის შოთა რუსთაველის სახელმწიფო უნივერსიტეტის ქობულეთის კვლევითი ინსტიტუტის ტერიტორიის შემოღობვა ეკლიანი მავთულით

N	სამუშაოთა დასახელება	განზომილების ერთეული, რაოდენობა		ერთეული ფასი	საერთო ფასი
1	გრუნტის ამოღება ხელით წერტილოვანი საძირკვლსათვის	მ³	25,84	10	258,40
2	ბეტონის წერტილოვანი საძირკვლის მოწყობა ბეტონი B-15 კლასის	კუბ.მ	25,84	257,00	6640,88
3	ლითონის მილებით 50X3მმ ღობის ბოძების მოწყობა 350 ცალი (დ-6მმ გლინილას დადუღება ბოძებზე მავთულის დასამაგრებლად)	ტნ	2,250	2681,00	6032,25
4	მოთუთიებული ორწვერიანი ეკლმავთულის ღობის მოწყობა დ-1,8მმ -7 რიგი	გ/მ	645,00	6,6	4257,00
5	ლითონის კვადრატული მილებით 100X100X4მმ, 60X60X3მმ, 60X30X2მმ, ჰიშკრის დამზადება და მონტაჟი	ტნ	0,206	2681,00	552,29
ჯამი 2					17740,82

ლოკალურ რესურსული ხარჯთაღრიცხვა N3

ს.ს.ი.პ ბათუმის შოთა რუსთაველის სახელმწიფო უნივერსიტეტის ქობულეთის კვლევითი ინსტიტუტის ტერიტორიაზე გზის რეაბილიტაცია


N	სამუშაოთა დასახელება	განზომილების ერთეული, რაოდენობა		ერთეული ფასი	საერთო ფასი
1	არსებული გზის დაპროფილება და საფუძვლის მოწყობა	გრძ/მ	140,00	12,25	1715,00
2	რკ/ბეტონის საფარის მოწყობა	გრძ/მ	140,00	147	20580,00
3	გვერდულების მოწყობა	გრძ/მ	21,00	3,5	73,50
ჯამი 3					22368,50
ჯამი 1+2+3					86387,47
რეზერვი გაუთვალისწინებელ სამუშაოებზე		3%			2591,62
ჯამი					88979,09
დ.ღ.გ.		18%			16016,24
სულ ჯამი					104995,33



ინფორმაცია

შესრულებული სამუშაოების საგარანტიო ვადების შესახებ

1. ექსპლუატაციის ნორმების დაცვის შემთხვევაში, მიმწოდებელი შესრულებული სამუშაოს ხარისხზე იძლევა 3 (სამი) წლის გარანტიას.
2. საგარანტიო ვადის ათვლა იწყება მიღება-ჩაბარების აქტის გაფორმების დღიდან.



ინფორმაცია
ინტერესთა კონფლიქტის შესახებ

ქ. ბათუმი

17 ივლისი, 2018 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ სსიპ ბათუმის შოთა რუსთაველის სახელმწიფო უნივერსიტეტის მიერ ფიტოპათოლოგიისა და ბიომრავალფეროვნების ინსტიტუტის ტერიტორიის კეთილმოწყობის სამუშაოების შესყიდვის განხორციელებასთან დაკავშირებულ საქმიანობაში (სატენდერო განცხადება NAT180008433) ჩემი მონაწილეობა არ იწვევს ინტერესთა კონფლიქტს.

მატერიალური რესურსების მართვის
დეპარტამენტის მთავარი სპეციალისტი



მ. ხალვაში